

INUIT ATAQATIGIIT

INATSISARTUNI



Nuuk 21. april 2016

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

- 1. Naalakkersuisut sinerissami qaleralinniarfiusuni aalisarnermi piniutigineqartut eqqortumik atorneqarnersut ilisimasaqarpat imaluunniit malinnitsitsippat?**
 - a. Taamaattoqangippat sooq ilisimaneqangillat malinneqaratillu uffa massa inatsisitigut sinaakkutissaqartoq, malitsinnissaannullu nakkutilliisut angallatigissaartut piareeqqangaluartut?**
- 2. Nakkutilliinermik ullumikkornit pitsaanersumik ingerlatsinissamut suut amigaataappat, sutigullu aaqqiissuteqartoqarniarpa?**

(Inatsisartuni ilasortaq Hans Aronsen, Inuit Ataqatigiit)

Tungavilersuut:

Qanittumi Uummannami angalaninni aalisartuninngaanniik arlaqartunit paasivara qassutit ilaatigut ningartakippallaat atorneqartut, aalisartummi ilisimavaat qaleralinniarnermi inatsisini 110mm ningartakinnerit atoqqusaangitsut. Aalisartummi imartanik aalisarfiusunik pitsaasumik atuinnissaq aamma qulakkeerneqassasoq kissaatigimmassuk ilalersornarmat.

Taamaattumik apererusunnarsingami sinerissami qaleralinniarfiusuni tamani aalisarnikkut piniutigineqartut (aalisaatigineqartut) pitsaassusilimmik nakkutigineqarnersut, ilangullugulu aamma pasitsaassisoqarneranik saaffiginnittuungaluit imatut paasisaqarsimasut. Nakkutilliisut pigineqareersut angallatigissaartullu uuliamik (solar imaluunniit benzina) angalanerminni atungassaminnik akissaqanginnerit tungavingalugit nakkutilliaartorsinnaangitsut. Tamanna ilumoorsimappat assut ajuusaarnaqaaq.

Nakkutilliinerup pitsaasumik ingerlanneqarnissaa pisariaqarpoq inatsiseqarmat sinaakkusiisunik naammassineqartussanillu.